

serbski řeči, ze swojimi džěćimi pak němski, hač runjež wone serbski derje rozumja a powědaju.

Cyrkej: Hač do l. 1873 bě stajnje serbska Boža služba prjedy němskeje a jenož 4 króc za lěto němska prjedy serbskeje. Wot 1873 pak je jenu njeźelu serbska a druhu njeźelu němska prjedy, a tohorunja wotměnja so serbski a němski kemš na rócnych časach. Jenož hišće na swjatyh dnjach, kiž na wšědny dzeń padnu, je kóždy króc serbski kemš prjedy němskeho. Mjez woběmaj kemšomaj je přestawka. — Wot spowědzow je raz němska a raz serbska přenja. Serbske paćeřske džěći dostawaju wot l. 1881 jenož němsku paćeřsku wučbu.

Fararjo wot 1750 : 1. Jan Blasius (Blažij) z Bošec 1751, † 28. jun. 1752; 2. Bjedrich Salom. Wehla, \* 9. okt. 1729 we Wósporku, 1753—97 († 28. okt.); 3. Jakub Delank, \* 22. nov. 1801 w Hbjelsku, 1845—73; 5. Bernhard Krušwica, rodź. z Boršće, 1874—79, woteńdže do Wjerbna w D. Ł.; 6. Karl Hendrich Nowak z Rakec, 1879—82, woteńdže do Klětnoho; 7. farske město prózdne wot 1. nov. 1882. Vicarius perpetuus: Jurij Brósk, duch. w Křišowje. — W l. 1883 bu tu duchowny Lauček, rodź. Słowak z Wuheřskeje, za fararja wuzwoleny, njeje pak wobkrućenje dostał\*). — Sobustawow evang.-luth. knih. tow. ma Hb. wosada 14 a čitarjow serbskeho Miss. Pósla 12.

Šula za cyłu wosadu je w Hbjelsku. We njej wuči so wot něšto lět jenož němski. Šulske džěći z Jerčec na dompuću němcowachu.

Wučerjo, dotal wšitcy rodź. Serbja, běchu wot 1850: 1. Jurij Gärtner (t. j. Zahrodnik) — 1859, 2. Ernst Schreiber 1859—78, 3. Ernst Höhne 1878—83, Delnjołužičan, 4. Paul Günther wot 1883. — Wot wjacorych lět maju tež 2. wučerja, kiž drje bě přeco Němc.

Wjesna towařšnosć: W tutej wosadze žane přazy wjacy njejsu a póstne kěrluše na wsy so njespěwaju. — Wojeřske towařstwo, kotrež ma 15 serb. a 15 němsk. sob., haji němsku řeč.

Drasta je jara změšana a přeněmčena resp. módařska.

Swójbne mjena (někotrych Serbow): Běl(a) (Biele), Čornak (přen. Schwarze) 3, Donat, Dub, Dubski, Grul (t. j. Król = Kral) 2, Greulich (t. j. Królik) 2, Hansk, Hajnik (přen. Förster) 2, Heč, Homjel

\*) W febr. 1885 bu za farskeho zastupnika designowany k. kandidat Wićaz z Rychwałda, swěrný a horliwy serbski młodženc,